



Broj: 02-05-7331-20.1/15
Sarajevo, 07.05.2015. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 – Ispravka), Vlada Kantona Sarajevo, na **Šestoj** sjednici održanoj **07.05.2015.** godine, donijela je sljedeći

ZAKLJUČAK

1. Prihvata se Izjašnjenje Ministarstva unutrašnjih poslova broj:01-206/15 od 14.04.2015. godine na inicijativu zastupnika/poslanika u Skupštini Kantona Adnana Solakovića, a u vezi sa izmjenom člana 30. Zakona o javnom okupljanju Kantona Sarajevo.
2. Izjašnjenje iz tačke 1. ovog Zaključka dostavlja se Skupštini Kantona Sarajevo.



PREMIJER

Elmedin Konaković
Elmedin Konaković

Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
2. Premijer Kantona Sarajevo
3. Ministarstvo unutrašnjih poslova
4. Evidencija
5. Arhiva



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1





Broj: 01- 206 /15

Datum: 14-04-2015 2015. godine

VLADA KANTONA SARAJEVO
- Stručna služba Vlade -

PREDMET: Izjašnjenje na poslaničku inicijativu, dostavlja se, -

VEZA: Vaš akt, broj: 02-05-5337-8.3/15 od 02.04.2015.godine

U vezi vašeg akta, broj i datum gornji, kojim se traži da Ministarstvo unutrašnjih poslova sačini prijedlog izjašnjenja na poslaničku inicijativu za izmjenu člana 30. Zakona o javnom okupljanju, koju je ispred kluba poslanika SBB pokrenuo poslanik Adnan Solaković, dostavljamo Vam sljedeći odgovor:

POSLANIČKA INICIJATIVA

Klub poslanika SBB-a pokrenuo je inicijativu za izmjene člana 30. Zakona o javnom okupljanju KS kojima bi se iznašao drugi način finansiranja troškova MUP-a KS prilikom osiguranja domaćih i ino utakmica, te u okviru svojih nadležnosti urgira da se stavi van snage Pravilnik o vrsti, cijeni i načinu plaćanja usluga dodatnog angažovanja policijskih službenika i drugih usluga koje Uprava policije MUP-a Kantona Sarajevo pruža u svrhu osiguranja javnih skupova. Zahtjeva se hitni prestanak daljnjeg fakturisanja usluga osiguranja domaćih i međunarodnih utakmica sarajevskim fudbalskim klubovima (FK Sarajevo, FK Olimpic i FK Željezničar) od strane MUP-a Kantona Sarajevo, a po osnovu predmetnog Zakona i Pravilnika, do donošenja zahtjevanih izmjena člana 30. Zakona o javnom okupljanju i shodno tome novog Pravilnika.

IZJAŠNJENJE NA POSLANIČKU INICIJATIVU

Članom 30. stav (1) Zakona o javnom okupljanju ("Službene novine Kantona Sarajevo", broj 32/09 i 11/11) je propisano da organizator javne, priredbe, sportske, kulturne ili zabavne prirode dužan snositi troškove dodatnih mjera osiguranja koje će nadležni policijski organ preduzeti u svrhu osiguranja javnog reda i mira. Prema stavu (2) navedenog člana, o snošenju troškova, između organizatora i nadležnog policijskog organa se sklapa ugovor. Prema stavu (3) ministar je na prijedlog policijskog komesara dužan u roku od 30 dana od dana stupanja na snagu Zakona o javnom okupljanju, donijeti propis o vrsti i cijeni usluga dodatnog angažovanja policijskih službenika i drugih usluga, kao i o načinu plaćanja tih troškova.



Postupajući u skladu sa navedenim odredbama Zakona o javnom okupljanju, ministar unutrašnjih poslova je donio Pravilnik o vrsti, cijeni i načinu plaćanja usluga dodatnog angažovanja policijskih službenika i drugih usluga koje Uprava policije MUP-a Kantona Sarajevo pruža u svrhu osiguranja javnih skupova, broj: 01-326/10 od 26.04.2010.godine, 01-538/11 od 31.05.2011.godine i 01-405/14 od 03.10.2014.godine, kojim su propisane vrste, cijene i način plaćanja usluga dodatnog angažovanja policijskih službenika. Prilikom utvrđivanja cijena dodatnog angažovanja policijskih službenika i opreme u Pravilniku su uzeti stvarni troškovi koje ministarstvo ima po osnovu njihovog dodatnog angažovanja.

Napominjemo da navedeni Pravilnik ne reguliše samo plaćanje osiguranja domaćih i međunarodnih fudbalskih utakmica, već svih javnih priredbi organizovanih radi osiguranja prihoda u okviru registrovane djelatnosti, a koje s obzirom na očekivani broj učesnika i prirodu priredbe zahtjevaju preduzimanje posebnih mjera sigurnosti. Shodno tome, stavljanjem van snage navedenog Pravilnika Ministarstvo unutrašnjih poslova ne bi moglo fakturirati izvršene usluge posebnih mjera osiguranja svih javnih priredbi organizovanih radi ostvarivanja prihoda (koncerti, razne muzičko-scenske manifestacije, predstave i dr.), a ne samo osiguranja domaćih i međunarodnih fudbalskih utakmica.

Pored toga stavljanjem van snage navedenog Pravilnika do donošenja zahtjevanih izmjena člana 30. Zakona o javnom okupljanju i shodno tome novog Pravilnika, kako se traži u poslaničkoj inicijativi, Ministarstvo unutrašnjih poslova bi bilo dovedeno u neravnopravan položaj u odnosu na druga pravna lica koja se angažuju prema Zakonu o javnom okupljanju, a po osnovu vršenja redarske službe, medicinske zaštite, zaštite od požara, koji bi kao i do sada, bili uredno plaćani. U tom slučaju samo Ministarstvo unutrašnjih poslova ne bi moglo refundirati svoje troškove nastale dodatnim angažovanjem policijskih službenika i opreme na osiguranju javne priredbe. Ako se uzme u obzir da su, tokom 2014.godine, policijski službenici Uprave policije Ministarstva unutrašnjih poslova Kantona Sarajevo učestvovali u osiguranju 2.254 javna skupa koji su održani na području Kantona Sarajevo, od čega je za 66 javnih priredbe sportske, kulturne ili zabavne prirode, za koje je obzirom na očekivani broj učesnika i prirodu priredbe procjenjeno da je neophodno preduzimanje posebnih mjera sigurnosti i dodatno angažovanje policijskih službenika i opreme, vidljiv je obim policijskih aktivnosti u ovoj oblasti, ali i to da Ministarstvo unutrašnjih poslova ima značajne troškove po osnovu dodatnog angažovanja policijskih službenika i opreme, koji se ne mogu finansirati u okviru odobrenih budžetskih sredstva.

Što se tiče poslaničke inicijative za hitni prestanak daljeg fakturisanja usluga osiguranja domaćih i međunarodnih utakmica sarajevskim fudbalskim klubovima (FK Sarajevo, FK Olympic i FK Željezničar), napominjemo da se faktura ispostavlja na osnovu ugovora koji je ranije potpisan između organizatora javne priredbe i MUP-a. S obzirom da ugovor predstavlja sporazum dvije strane potpisnice i da njegovim potpisom nastaju određena prava i obaveze, nema pravnog osnova za prestanak fakturisanja već ugovorenih i izvršenih usluga. Osim toga, traženo bi bilo u suprotnosti i sa odredbama važećeg Zakona i Pravilnika.

Imajući u vidu naprijed navedeno vidljivo je da nema pravnog osnova niti ekonomske opravdanosti da Ministarstvo unutrašnjih poslova, bez naknade svojih troškova, bude angažovano na vršenju dodatnih mjera osiguranja javnih priredbi koje su organizovane radi osiguranja prihoda u okviru registrovane djelatnosti i time stvara dodatne troškove i povećava ih iznad planiranih i budžetom odobrenih sredstava

S poštovanjem.



STAR

Kurtuš



Broj: 02-05-5337-8.3/15
Sarajevo, 02.04.2015. godine

**KANTON SARAJEVO
MINISTARSTVO UNUTRAŠNJIH POSLOVA**

Predmet: Izjašnjenje, traži se.-

Zastupnik/poslanik Adnan Solaković, na Prvoj Radnoj sjednici Skupštine Kantona Sarajevo održanoj dana 23.03.2015. godine, u okviru tačke dnevnog reda „Poslanička pitanja, inicijative i odgovori“, ispred kluba SBB pokrenuo sljedeću zastupničku inicijativu :


“ za izmjene člana 30. Zakona o javnom okupljanju Kantona Sarajevo .”

Potrebno je da Ministarstvo unutrašnjih poslova sačini prijedlog izjašnjenja na naprijed navedenu inicijativu, te isto dostavite za jednu od narednih sjednica Vlade, kako bi Vlada Kantona Sarajevo zauzela konačan stav.

U prilogu Vam dostavljamo akt Skupštine Kantona Sarajevo broj: 01-05-2901/15 od 24.03.2015. godine

S poštovanjem

Obradila: *Alifa B.*
Kontrolisala: *D. Adely*



STARI ETAR
M. Humačkić
mr. SC. *M. Humačkić*
M. Humačkić

Dostaviti:

1. Naslovu
2. Evidencija
3. Arhiva



web: <http://vlada.ks.gov.ba>
e-mail: ssv@ks.gov.ba
Tel: + 387 (0) 33 562-075, 562-077
Fax: + 387 (0) 33 562-076
Sarajevo, Reisa Džemaludina Čauševića 1





Handwritten signature

*Ja, Spornica Vlada K.S. odobri
20.03.2015. M. Bukva*

Broj: 01-05-2901/15
Sarajevo, 24.3.2015.godine

83

VLADA KANTONA SARAJEVO
n/r premijera


MINISTARSTVO UNUTRAŠNJIH POSLOVA
n/r ministra

SARAJEVO

Zastupnik/poslanik Adnan Solaković, na Prvoj Radnoj sjednici Skupštine Kantona Sarajevo, održanoj dana 23.03.2015.godine, u okviru tačke Dnevnog reda, "Poslanička pitanja, inicijative i odgovori", a u skladu sa Poslovníkom Skupštine Kantona Sarajevo pokrenuo je zastupničku/poslaničku inicijativu ispred kluba poslanika SBB "za izmjene člana 30. Zakona o javnom okupljanju Kantona Sarajevo."

Inicijativu vam dostavljamo u prilogu sa molbom da inicijativu tretirate u okviru nadležnosti i nakon postupanja po istoj, shodno odredbama Poslovníka Skupštine Kantona Sarajevo („Službene novine Kantona Sarajevo"- broj 41/12 - Drugi novi prečišćeni tekst, broj 15/13 i 47/13), u pisanom obliku, obavijestite Skupštinu o učinjenom.

CO:
-sekretar SKS
-sekretar Vlade Kantona



**PREDSJEDAVAJUĆI
SKUPŠTINE KANTONA SARAJEVO**

Sejo Bukva

Handwritten signature of Sejo Bukva



ADNAN SOLAKOVIĆ
Zastupnik SBB BIH

POSLANIČKA INICIJATIVA

BOSNA I HERCEGOVINA
FEDERACIJE BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r predsjedavajućeg

Klub poslanika SBB-a pokreće inicijativu za izmjene člana 30. Zakona o javnom okupljanju KS kojima bi se iznašao drugi način finansiranja troškova MUP-a KS prilikom osiguranja domaćih i ino utakmica, te u okviru svojih nadležnosti urgira da se stavi van snage Pravilnik o vrsti, cijeni i načinu plaćanja usluga dodatnog angažovanja policijskih službenika i drugih usluga koje Uprava policije MUPA-a Kantona Sarajevo pruža u svrhu osiguranja javnih skupova izvan svoje redovne djelatnosti (dalje: Pravilnik). Zahtjevamo hitni prestanak daljnjeg fakturisanja usluga osiguranja domaćih i međunarodnih utakmica sarajevskim fudbalskim klubovima (FK Sarajevo, FK Olimpic i FK Željezničar) od strane MUP-a Kantona Sarajevo, a po osnovu predmetnog Zakona i Pravilnika, do donošenja zahtjevanih izmjena člana 30. Zakona o javnom okupljanju KS i shodno tome novog Pravilnika.

TRAŽIM DA SE SKUPŠTINA IZJASNI O OVOJ INICIJATIVI

Predsjednik Kluba zastupnika SBB BIH

mr. Adnan Solaković